

## POZIV za SEDMU JAVNU DEBATU

### ***„Počinioci i žrtve krivičnih djela su naša djeca-Spriječimo maloljetničko prestupništvo“***

Dana **28.05.2010.godine (petak)**, Centar za kulturu dijaloga organizira u suradnji sa odjelom Evropske komisije (TACSO), koja je prepoznala značaj angažiranja CKD-a na rješavanju ovog problema za cijelu BiH, Sedmu javnu debatu koja ima za cilj: Praćenje i analizu realizacije obećanih aktivnosti i planova za iznalaženje rješenja problema maloljetničkog prestupništva. Javna debata će biti održana u **UNITIC Biznis Centru, sa početkom u 11:00 sati**.

Želimo istaći da cilj organizatora debate nije omalovažavanje bilo koje od instanci vlasti ili nevladinog sektora, nego pomoć u ostvarivanju preduvjeta i otvaranje prostora za javni dijalog o svim izazovima i problemima sa odgovornima u BiH, na rješavanju problema maloljetničkog prestupništva. Cilj organizatora je i građanima osigurati dostupnost informacijama kao i mogućnost za postavljanje pitanja onima koje smatraju odgovornima za problem maloljetničkog prestupništva u BiH. Napominjemo da ostvarivanje navedenih ciljeva može biti jedan od koraka kojima ćemo se zajedno približiti Evropskoj Uniji. Kroz argumentiran i uređen dijalog, te uz pomoć jasnih izvještaja o radu odgovornih vladinih institucija želimo omogućiti analizu i monitoring do sada postignutoga.

Poseban akcent bit će na prezentiranju i analizi obećanih-realiziranih aktivnosti i planova. Predviđeno je iznošenje sljedećih prezentacija i izvještaja za koje se očekuje, da ovoga puta, predstave predstavnici nadležnih institucija

- Prezentacija pravosudnog sektora (FBiH)
- Prezentacija sektora za socijalni rad (KS)
- Prezentacija obrazovnog sektora (KS, FBiH)
- Izvještaj Zavod Hum
- Izvještaj Disciplinski centar Vogošća
- Izvještaj KP Zenica
- Izvještaj KP Kula
- Prezentacija MUP-a Kantona Sarajevo
- Prezentacija FMUP-a
- Koordinaciono tijelo za implementaciju strategije u BiH
- Prezentacija medija
- Prezentacija Grada
- Prezentacija Vlade KS

Ljubazno molimo prezentere da prezentacije u elektronskoj formi dostave na e-mail: [izvjestaji.ckd@gmail.com](mailto:izvjestaji.ckd@gmail.com) kako bi prezentacije bile dostupne za konferenciju za medije; distribuiranje učesnicima u debati i predstavljene tijekom izlaganja. Također molimo da sve nadležne institucije obuhvaćene Strategijom dostave izvještaje o prethodnim aktivnostima u cilju objektivnog informiranja javnosti o aktivnostima vladinog i nevladinog sektora, te da izvještaji budu u skladu sa zaključcima Šeste javne debate koji su dostavljeni svim institucijama na uvid i nalaze se na web stranici CKD-a ([www.ckdbih.com](http://www.ckdbih.com))

Plan rada **debate je sljedeći:**

- 10.00 – 10.30 Press konferencija
- 11.00 Javna debata „*Počinioci i žrtve krivičnih djela su naša djeca – Spriječimo maloljetničko prestupništvo*“
- 11.00 – 11.15 Uvodna riječ organizatora
- 11.15 – 11.30 Prezentacija pravosudnog sektora (predstavnik nadležnog ministarstva)
- 11.30 – 11.55 Diskusija
- 11.55 – 12.00 Zaključci i preporuke
- 12.00 – 12.15 Prezentacija sektora za socijalni rad (predstavnik nadležnog ministarstva)
- 12.15 – 12.40 Diskusija
- 12.40 – 12.45 Zaključci i preporuke
- 12.45 – 13.00 Prezentacija obrazovnog sektora (predstavnik nadležnog ministarstva)
- 13.00 – 13.25 Diskusija
- 13.25 – 13.30 Zaključci i preporuke
- 13.30 – 14.15 Ručak i osvježenje
- 14.15 – 14.25 Izvještaj Zavod Hum (predstavnik Zavoda)
- 14.25 – 14.35 Izvještaj Disciplinski centar Vogošća (predstavnik Centra)
- 14.35 – 14.45 Izvještaj KP Dom Zenica (predstavnik Doma)
- 14.45 – 14.55 Izvještaj KP Dom Kula (predstavnik Doma)
- 14.55 – 15.15 Diskusija
- 15.15 – 15.20 Zaključci i preporuke
- 15.20 – 15.30 Prezentacija MUP-a Kantona Sarajevo (predstavnik Ministarstva)
- 15.30 – 15.40 Prezentacija FMUP-a (predstavnik Ministarstva)
- 15.40 – 15.50 Koordinaciono tijelo za implementaciju strategije u BiH (Predstavnik Koordinacionog tijela)
- 15.50 – 16.10 Diskusija
- 16.10 – 16.20 Prezentacija medija
- 16.20 – 16.30 Zaključci i preporuke
- 16.30 – 16.40 Prezentacija Grada (predstavnik Grada)
- 16.40 – 16.50 Prezentacija Vlade KS (predstavnik Vlade)
- 16.50 – 17.00 Zaključci i preporuke, rezime javne debate

Najiskrenije se nadamo da ćete prepoznati značaj ove javne debate i napore koji trebaju biti uloženi kako bismo zajedničkim trudom došli do rješenja problema maloljetničkog prestupništva i uzdigli se iznad dnevne politike koja često stoji na putu zajedničkom rješavanju problema. Još jednom napominjemo da debata nema za cilj obezvređivanje jednih ili promociju drugih političkih opcija ili nevladinih organizacija. Cilj je razvoj demokratskih načela kroz aktivni angažman svih građana u izgradnji civilnog društva. Samo aktivnim angažmanom možemo utjecati na vlast, NVO ali i sve građane BiH. Pokažimo da je bh. društvo zrelo za promjenu na bolje koju svi zaslužujemo i pokažimo da smo spremni zaštititi našu djecu i generacije koje dolaze jer **počinitelji i žrtve krivičnih djela su naša djeca-spriječimo maloljetničko prestupništvo.**

Imamo u vidu da je ovo predizborna godina, da će mnoge političke partije u svojim političkim kampanjama spominjati ovaj problem i koristiti ga kako bi došli do željenih glasova koji im omogućavaju vlast, međutim cilj organizatora ove javne debate je izvršiti analizu obećanog-učinjenog, te tako izvršiti pritisak na sve odgovorne da sprovedu planirano.

Ovu debatu podržava:



Technical Assistance for  
Civil Society Organisations  
Bosnia and Herzegovina Office



This project is funded  
by the European  
Union.

